

Super hoc certificent competenter. Nos vero super dictis opposicionibus, adjornamenta hujusmodi facta per ipsum Prepositum vel ejus successores aut Locutenentes eorundem, admitti volumus & jubemus, & Partibus auditis hinc inde, justicie bonum & breve fieri complementum; ceteraque omnia & singula faciant & exercent auctoritate nostra Gardiatores predicti, que in premissis & ea tangentibus & dependentibus ex eisdem, necessaria fuerint vel etiam opportuna. Nolumus tamen quod Servientes predicti per dictum Prepositum aut ejus successores vel Locutenentes ipsorum ad Gardiatoris officium deputati, de hiis que cause cognitionem exigunt, se aliquatenus intromittant. Volumus insuper & jubemus ut ceteri omnes & singuli Justiciarii & subditi nostri dicto Par. Preposito, ejusque successoribus & Locutenentibus eorundem, in premissis & eorum circumstantiis & dependentibus ex eisdem, cum effectu pareant & intendant. Quod ut firmum & stabile perpetuo perseveret, has presentes Litteras Sigilli nostri fecimus impressione muniri: Salvo in aliis jure nostro, & in omnibus quolibet alieno. Datum Parisus, anno Domini millesimo CCC.^{mo} octogesimo & Regni nostri primo, mense Aprilis.

Per Regem, ad relationem Consilii. J. DE LUZ.

CHARLES
VI.
à Paris, en
Avril 1380.

M. C C C. L X X X I.

Suivant le Glossaire de *du Cange*, au mot, *Annus*, cette Année a commencé au 14. d'Avril, & a fini le 5. d'Avril suivant.

(a) *Mandement qui porte que l'on fabriquera deux mille cinq cens Marcs d'Argent à la Monnoye de Paris, au profit du Duc d'Anjou.*

CHARLES
VI.
à Paris, le 16.
d'Avril 1381.

CHARLES par la grace de Dieu Roy de France. A noz amez & feaulx les Generaux-Maistres de noz Monnoyes: Salut & dilection. Pour la necessité que nostre très-cher & très-amé Oncle le *Duc d'Anjou* Nous a dit qu'il a à present de Finance, Nous luy avons octroyé & octroyons de grace especial, qu'il puisse meestre ou faire meestre en nostre Monnoye de *Paris*, pour monnoyer à son prouffit, jusques à la somme de deux mil cinq cens Marcs d'Argent. Si vous mandons que les II.^{ms} v.^{cs} Marcs d'Argent vous faictes recevoir par le Maistre Particulier de nostre dicte Monnoye, & iceulx faictes ouvrer & monnoyer; c'est assavoir, en Blans de XII. deniers Parisis Piece, lesquels soient à XI. deniers six grains fin de loy, & de ^a VIII. sols de poix au Marc de Paris, comme ceulx qui autrefois ont esté faictz en nostre dicte Monnoye; dont le Maistre aura pour chacun Marc trois grains de remede, & pour son ouvrage & Monnoyaige, IIII. Sols (b) *Tournois*; & avecques ce, voulons & avons octroyé à nostredit Oncle, que tout le prouffit qui ^b ystra desdicts Marcs d'Argent, tant de faulte de poix & de loy, comme autrement, rabatu ledit ouvrage & Monnoyaige, soit baillé à nostre dit Oncle ou à son certain commandement, comme l'en feroit pour Nous en tel cas; & par rapportant ces presentes, ou *Vidimus* d'icelles collationné par nostre Chambre des Comptes, & quictance de nostre dit Oncle de ce que payé lui aura esté, avec certification des Gardes de ladicte Monnoye desdicts Marcs d'Argent livrez comme dit est, Nous voulons estre alloüé es comptes de celuy ou ceulx à qui il appartiendra, par noz amez & feaulx Genz de noz Comptes à *Paris*;

^a de 96. Pieces
au Marc.

^b fortird, pro
viendra.

NOTES.

(a) *Registre E. de la Cour des Monnoyes de Paris, fol.° 23. verso.*

Avant ces Lettres, il y a: *Le Jeudy XIX.^e jour d'Avril 1111.^e 1111.^{ms} ung, après Pasques, fut apporté ung Mandement du Roy nostre Sire, pour ouvrer en la Monnoye de Paris, deux mil cinq cens Marcs d'Argent pour Mons.*

Tome VI.

d'Anjou, duquel la teneur s'ensuit.

(b) *Tournois.*] Il est bon de remarquer ici pour cette Piece & pour toutes les suivantes, que le caractère abrégé que l'on croit signifier *Tournois*, tient à l'S qui signifie *Sols* en abrégé; en sorte qu'il est incertain, si ce caractère désigne le mot *Tournois*, ou s'il est une partie de l'abréviation faite sur l'S pour signifier *Sols*.

Dddd

578 ORDONNANCES DES ROIS DE FRANCE
 nonobstant Ordonnances, Mandemens ou deffenses à ce contraires. *Donné à Paris, le
 XVI.^e jour d'Avril, l'an de grace mil III.^e IIII.^e & ung, & le premier de nostre Regne.*
 Par le Roy, à la relation de Mess.^{rs} les Ducz de Bourgoigne & de Bourbon.

J. DE SANCTIS.

*Pour l'accomplissement desquelles Lettres, la Coppie fut envoyée aux Gardes de l'ul.^{te}
 Monnoye, en leur mandant que icelle il accomplisse sans aucun delay, en la maniere que le
 Roy le mande.*

CHARLES
 VI.
 à Paris, à
 l'Hôtel S.
 Paul, le 20.
 d'Avril 1381.

(a) *Lettres qui portent que toutes les Terres appartenantes au Duc d'Anjou;
 & notamment celle de Ribemont qui luy a esté donnée à vie par le Roy
 Jean, ressortiront au Parlement de Paris, s'il luy plaist.*

a en Picardie.

c pour la ran-
 çon du Roy Jean,
 stipulée par le
 Traicté de Bre-
 tigny.

d Actes judi-
 ciaires.

e besoin.

CHARLES par la grace de Dieu Roy de France. Savoir faisons à touz presens
 & avenir, de la partie de nostre très-cher & amé Oncle le Duc d'Anjou & de
 Tourainne, Nous avoir esté exposé que comme la Ville, Terre, Chastel & Chastellerie
 de Ribemont^a, eussent jadis esté tenuz en Conté, & y eust Chastellerie Royal; & pour
 ce nostre très-cher Seigneur & Ayeul le Roy Jehan son Pere que Dieux absoille,
 meu d'amour naturelle, & pour certaines & justes causes qui à ce le murent, &
 aussi pour l'accroissement de l'estat & honneur de nostredit Oncle, lui eust donné
 lesdiz Chastel, Chastellerie & Ville de Ribemont, avec toute la Jurisdiction & Justice
 haulte, moyenne & basse, la Prevosté & Ressort d'icelle, avec les rentes, droiz & ap-
 partenances quelxconques, à les tenir, avoir, posséder & percevoir sa vie durant; &
 combien que nostredit Oncle soit^b Per de France, & pour ce ne doie ressortir fors en
 nostre Parlement, de ses Terres d'Anjou, de Tourainne & du Maine, se il ne lui plaist,
 & par ce soit & doie estre exemps de touz noz autres Justiciers, Justices & Jurisdicions,
 tant Bailliz, Prevoz, comme autres noz Justiciers & Officiers; néantmoins es temps que
 nostredit Oncle fu en hostage en Angleterre^c pour nostredit Seigneur & Ayeul, & aussi
 du temps qu'il a esté Lieutenant es Parties de Langue d'Oc, de feu nostre très-cher Sei-
 gneur & Pere que Dieux absoille, & qu'il n'a peu vacquer ne entendre à ses besoignes,
 le Bailli de Vermeudois ou son Lieutenant à Saint-Quentin, a fait ressortir ladicte Terre
 de Ribemont pardevant lui au Siege de Saint-Quentin, en ostant à nostre Oncle ledit
 Ressort à lui donné par sondit feu Pere, comme dessus est dit, & ne lui vult rendre
 Court ne cognoissance de ses subgez & Officiers; mais lieve les Amendes de seldiz
 subgez & Officiers, & y fait plusieurs autres^d Exploiz qui li deussent appartenir, & dont
 il deust avoir la cognoissance; lesquelles choses il a fait & fait encore chascun jour, en
 attribuant à Nous les choses dessus dictes contre raison, & ou grant dommage & pre-
 judice de nostredit Oncle, si comme il dit; & pour ce Nous a supplié nostredit Oncle,
 que les empeschemens dessuz diz Nous vueillions oster, & lui sur ce pourveoir de
 remede convenable. Pourquoy Nous eüé consideracion aus choses dessus dictes,
 vüeillanz nostre dit Oncle joür & user paisiblement de touz ses droiz, Nobleces &
 franchises, & yeelles encore accroître se^e mestiers est, avons voulu & volons de grace
 especial, certaine science & auctorité Royal, & lui avons octroïé & octroïons par
 ces presentes, que de son droit de Ressort il jouisse & use paisiblement d'oresnavant
 esdictes Ville, Terre, Chastel, Chastellerie, Prevosté, appartenances & dependences
 de Ribemont, tout en la fourme & maniere que il fait & doit faire de les Duchez
 d'Anjou & de Tourainne, & de la Conté du Maine; & d'abondant grace, se mestiers
 est, avons déclaré & declarons par ces presentes, que à cause de seldiz Chastel, Terre,
 Ville, Chastellerie, Prevosté, appartenances & dependences, il ne seldiz Officiers &
 subgez ressortissent ne doivent ressortir presentement ne ou temps avenir, forques en
 nostredit Parlement, & que de tout droit & Noblece de Per & Parie, tant comme

NOTE.

(b) Tresor des Chartres, Registre 118. Piece 475.